



# PRIRUČNIK

ZA RAD BIRAČKOG ODBORA NA  
BIRAČKOM MJESTU U  
DIPLOMATSKO-KONZULARNOM  
PREDSTAVNIŠTVU  
BOSNE I HERCEGOVINE

# **PRIRUČNIK**

**ZA RAD BIRAČKOG ODBORA NA BIRAČKOM MJESTU  
U DIPLOMATSKO-KONZULARNOM PREDSTAVNIŠTVU  
BOSNE I HERCEGOVINE**

# SADRŽAJ

## POGLAVLJE I. BIRAČKO MJESTO

1. Određivanje biračkog mjesta, osiguranje prostora i obilježja na biračkom mjestu.....3

## POGLAVLJE II. BIRAČKI ODBOR

1. Odgovornost i uloga biračkog odbora .....7
2. Dužnost i odgovornost članova biračkog odbora u procesu glasanja .....7
3. Zapisnik o radu biračkog odbora.....9

## POGLAVLJE III. POSMATRAČI

- 1.1. Uvodne napomene.....10
- 1.2. Pristup posmatrača biračkom mjestu.....10
- 1.3. Podnošenje primjedbi posmatrača na rad biračkog odbora.....10
- 1.4. Udaljavanje posmatrača s biračkog mjesta odbora .....11
- 1.5. Izgled akreditacija akreditiranih posmatrača .....11

## POGLAVLJE IV. NAČIN GLASANJA, POPUNJAVANJA OBRASCA ZA BROJNO STANJE I PAKIRANJE IZBORNOG MATERIJALA

1. Dan prije održavanja izbora .....12
2. Prije otvaranja biračkog mjesta .....13
3. Procedura glasanja .....13
4. Nakon zatvaranja biračkog mjesta .....16

## POGLAVLJE V. NAKNADA ZA RAD U BIRAČKOM ODBORU

1. Naknada za rad u biračkom odboru .....18

## POGLAVLJE VI. KAZNENE ODREDBE

1. Sankcije iz Izbornog zakona BiH.....18
2. Zloupotreba biračkog prava i izborna prevara – Krivični zakon BiH.....18

## PRILOZI

1. Shema pakiranja izbornog materijala.....20
2. Izgled lica koverta sa glasačkim listićima .....20

# **POGLAVLJE I. BIRAČKO MJESTO U DIPLOMATSKO-KONZULARNOM PREDSTAVNIŠTVU BOSNE I HERCEGOVINE**

## **1. ODREĐIVANJE BIRAČKOG MJESTA, OSIGURANJE PROSTORA I OBILJEŽJA NA BIRAČKOM MJESTU**

### **1.1. Određivanje biračkog mjesta**

- Biračka mjesta u diplomatsko-konzularnim predstavništvima BiH (u daljnjem tekstu: DKP BiH) određuje Centralna izborna komisija Bosne i Hercegovine (u daljnjem tekstu: Centralna izborna komisija BiH) posebnom odlukom, najkasnije 50 dana prije dana održavanja izbora.
- Centralna izborna komisija BiH, najkasnije 30 dana prije dana održavanja izbora, posredstvom Ministarstva vanjskih poslova Bosne i Hercegovine (u daljnjem tekstu: Ministarstvo vanjskih poslova BiH) objavljuje biračka mjesta određena za glasanje u DKP-ima BiH.
- Biračko mjesto u DKP-u BiH je posebno uređen prostor gdje birači upisani u Centralni birački spisak za glasanje van Bosne i Hercegovine za glasanje u DKP-ima BiH ostvaruju svoje biračko pravo te se u njima, nakon zatvaranja za glasanje, na dan održavanja izbora vrši prebrojavanje koverata s glasačkim listićima.

### **1.2. Osiguranje prostora određenog za biračko mjesto**


- Birački odbori u DKP-ima BiH dužni su najkasnije **12 sati prije dana održavanja izbora** osigurati da prostor koji je određen za biračko mjesto bude pripremljen za otvaranje.

### **1.3. Obilježja na biračkom mjestu**

- Na biračkom mjestu i u njegovoj okolini mogu se postavljati samo službena obilježja izbora koja propiše Centralna izborna komisija BiH.


**Službena obilježja izbora koja Centralna izborna komisija BiH posredstvom Ministarstva vanjskih poslova BiH dostavlja biračkim odborima su:**

- plakati sa izgledom glasačkih listića na kojima se glasa;
- plakati s uputstvima o načinu glasanja;
- plakati s informativnim sadržajem za birače;
- plakati sa izvodima iz Krivičnog zakona.




**Slika 1.** Shematski prikaz uređenja ulaza na biračko mjesto – primjer





**Slika 2.** Shematski prikaz uređenja biračkog mjesta (birački odbor koji se sastoji od pet članova) – primjer



**Slika 3.** Shematski prikaz uređenja biračkog mjesta (birački odbor koji se sastoji od tri člana) – primjer

## **POGLAVLJE II. BIRAČKI ODBOR**

### **1. ODGOVORNOST I ULOGA BIRAČKOG ODBORA**

#### **1.1. Obuka biračkog odbora**

- U skladu s planom i programom edukacije Centralna izborna komisija BiH organizira obuku predsjednika i članova biračkih odbora u DKP-ima BiH, kao i njihovih zamjenika, o načinu glasanja i brojanju koverata s glasačkim listićima.
- Nakon provedene obuke Centralna izborna komisija BiH prema utvrđenoj metodologiji izvršit će provjeru znanja i uspješnim predsjednicima i članovima biračkih odbora i njihovim zamjenicima dodijeliti certifikate.

- **U radu biračkog odbora može učestvovati samo predsjednik, članovi biračkog odbora i njihovi zamjenici koji su uspješno prošli provjeru znanja i posjeduju certifikat koji je izdala Centralna izborna komisija BiH.**

#### **1.2. Način rada biračkog odbora**

- Birački odbor rukovodi radom biračkog mjesta i osigurava pravilnost i tajnost glasanja.
- Predsjednik biračkog odbora rukovodi radom biračkog odbora i osigurava da se proces glasanja na biračkom mjestu odvija nesmetano.

### **2. DUŽNOST I ODGOVORNOST ČLANOVA BIRAČKOG ODBORA U PROCESU GLASANJA**

#### **2.1. Predsjednik biračkog odbora:**

- rukovodi radom biračkog odbora i zajedno s članovima biračkog odbora odgovara za zakonitost rada na biračkom mjestu;
- održava integritet procesa glasanja i održava mir i red na biračkom mjestu i u njegovoj okolini;
- popunjava sve potrebne obrasce;
- osigurava da na biračkom mjestu ne bude oružja ili opasnih predmeta;
- određuje dužnosti svakom članu biračkog odbora;
- pomaže biračima kojima treba dodatno objašnjenje o procesu glasanja;
- rješava sva pitanja koja se odnose na identifikaciju i pravo glasa birača;
- evidentira u Zapisnik o radu biračkog odbora – Obrazac ZARBO – vrijeme i okolnosti svih izuzetnih događanja na biračkom mjestu.

#### **2.2. Član biračkog odbora zadužen za kontrolu reda:**

- osigurava kontrolu protoka birača na biračkom mjestu.

#### **2.3. Član biračkog odbora zadužen za identifikaciju:**

- provjerava identitet birača;
- pronalazi ime birača u izvodu iz Centralnog biračkog spiska;



- upozorava birača da se mora potpisati identično kao na identifikacionom dokumentu;
- osigurava da se birač potpiše pored svog imena u izvodu iz konačnog Centralnog biračkog spiska;
- naglas čita ime birača koji se potpisao u izvod iz Centralnog biračkog spiska.

#### **2.4. Član biračkog odbora zadužen za izdavanje glasačkih listića:**

- izdaje kovertu s glasačkim listićima;
- objašnjava kako treba ispravno ispuniti glasačke listiće;
- upućuje birača prema slobodnom prostoru na kojem mu se omogućava tajnost glasanja (u daljnjem tekstu: glasačka kabina).

#### **2.5. Član biračkog odbora zadužen za kontrolu glasačke kutije:**

- upućuje birača da ubaci kovertu s glasačkim listićima u glasačku kutiju i napusti biračko mjesto;
- osigurava da birač ne napusti biračko mjesto dok u glasačku kutiju ne ubaci kovertu s glasačkim listićima;
- osigurava da se samo kovertu s glasačkim listićima ubacuju u glasačku kutiju.

#### **2.6. Birački odbor od tri člana**

- Ako se birački odbor sastoji od predsjednika i dva člana, u tom će slučaju član biračkog odbora zadužen za kontrolu reda istovremeno kontrolirati glasačke kutije, dok će član biračkog odbora zadužen za identifikaciju istovremeno obavljati i izdavanje koverata s glasačkim listićima.

#### **Birački odbori su nezavisni i nepristrasni u svome radu.**

- **Član biračkog odbora neće učestvovati u donošenju odluka kada taj član ili član njegove uže porodice ima lični ili finansijski interes ili ako postoji drugi sukob interesa koji može dovesti u sumnju njegovu sposobnost da djeluje nepristrasno. Članovima uže porodice smatra se supružnik, djeca i članovi domaćinstva prema kojima član biračkog odbora ima zakonsku obavezu izdržavanja.**
- **Članovi biračkog odbora individualno odgovaraju za učinjene nepravilnosti u okviru zaduženja koja dobiju od predsjednika biračkog odbora, u skladu sa Izbornim zakonom BiH i provedbenim aktima Centralne izborne komisije BiH. Predsjednik biračkog odbora odgovoran je i za učinjene nepravilnosti člana biračkog odbora.**

#### **2.7. Zamjenici članova biračkih odbora**

- Zamjenik predsjednika, odnosno zamjenici članova biračkog odbora učestvuju u radu biračkog odbora samo ako je predsjednik, odnosno član biračkog odbora spriječen doći na biračko mjesto na dan održavanja izbora ili ako moraju iz opravdanih razloga napustiti biračko mjesto tokom rada.

### **3. ZAPISNIK O RADU BIRAČKOG ODBORA**

- a) Birački odbor vodi Zapisnik o radu biračkog odbora – ZARBO (u daljnjem tekstu: Zapisnik), a koji se sastoji od:
- Zapisnika o radu biračkog odbora dan uoči održavanja izbora – Zapisnik I.
  - Zapisnika o radu biračkog odbora na dan održavanja izbora – Zapisnik II.
- b) Centralna izborna komisija BiH dostavlja svakom biračkom odboru Zapisnik I. i Zapisnik II., zajedno sa ostalim izbornim materijalom.

#### **3.1. ZAPISNIK I.**

##### **1) Zapisnik I. sastoji se od:**

- Naslovne stranice koja sadrži logo Centralne izborne komisije BiH, dio gdje se upisuje naziv osnovne izborne jedinice i dio za upisivanje broja biračkog mjesta te naslov: Zapisnik o radu biračkog odbora na dan uoči održavanja izbora – ZARBO I.
  - Popisa izbornog materijala
  - Načina skladištenja preuzetog izbornog materijala od momenta preuzimanja do momenta početka rada biračkog odbora
  - Zapažanja o stanju biračkog mjesta na dan uoči izbora.
- 2) Predsjednik i članovi biračkog odbora nakon popunjavanja svojim potpisima potvrđuju tačnost navoda u Zapisniku I.

#### **3.2. ZAPISNIK II.**

##### **1) Zapisnik II. sastoji se od:**

- a) Naslovne stranice koja sadrži logo Centralne izborne komisije BiH, dio gdje se upisuje naziv osnovne izborne jedinice i dio za upisivanje broja biračkog mjesta te naslov: Zapisnik o radu biračkog odbora na dan održavanja izbora – ZARBO II.
- Evidencije o prisustvu
  - Evidencije o akreditiranim posmatračima
  - Zapažanja tokom glasanja
  - Mišljenja ili primjedbi
  - Udaljavanja lica s biračkog mjesta
  - Vremena zatvaranja biračkog mjesta.
- 3.3.** Zapisnik o radu biračkog odbora i odgovarajuće obrasce potpisuju svi članovi biračkog odbora. Ako se neki član odbije potpisati, predsjednik ili jedan od članova koji se potpisuju to će evidentirati zajedno s razlozima nepotpisivanja.

- **Zapisnik o radu biračkog odbora vodi se u dva identična primjerka, od kojih je jedan primjerak indigo-kopija (zelena kopija). Zapisnik je opremljen dvostrukom posljednjom koricom koja se koristi tako da se podaci ne preslikavaju na neželjene stranice.**
- **Birački odbor zadržava kopiju Zapisnika koji čuva za svoje potrebe i evidenciju, a original Zapisnika dostavlja Centralnoj izornoj komisiji BiH.**

## POGLAVLJE III. POSMATRAČI

- Posmatrači su lica s pravom glasa, akreditirana za posmatranje izbora, u skladu s Izbornim zakonom BiH i provedbenim aktima koje donosi Centralna izborna komisija BiH.
- Posmatrači mogu biti akreditirani u ime ovjerenog političkog subjekta, udruženja građana/nevladinih organizacija i stranih vlada, odnosno nevladinih organizacija koje se bave nadgledanjem izbora.

### 1.1. Uvodne napomene

- a) Proces glasanja i prebrojavanja glasačkih listića mogu posmatrati samo akreditirani posmatrači. Posmatrači mogu postavljati pitanja u vezi s izbornim procesom, ali se ne mogu miješati u izborni proces niti gledati unutar glasačke kabine.
- b) Svaki posmatrač za vrijeme posmatranja izborne aktivnosti dužan je nositi akreditaciju i neće nositi bilo kakva obilježja ili oznake koje ga povezuju s određenom političkom strankom, koalicijom, listom nezavisnih kandidata ili nezavisnim kandidatom (u daljnjem tekstu: politički subjekt).
- c) Samo jedan posmatrač koji je predstavnik političkog subjekta, odnosno udruženja može biti prisutan u isto vrijeme na jednom biračkom mjestu. Broj međunarodnih posmatrača koji mogu biti prisutni istovremeno na jednom biračkom mjestu je neograničen, ali ne smije uticati na regularnost izbornog procesa. Međunarodni posmatrač može na biračko mjesto sa sobom uvesti i prevodioca.
- d) Politički subjekti mogu imati posmatrače na biračkim mjestima za glasanje u DKP BiH, i to na biračkom mjestu na kojem se u izvodu iz Centralnog biračkog spiska nalaze birači upisani da glasaju za izbornu jedinicu u kojoj se politički subjekt kandiduje.

### 1.2. Pristup posmatrača biračkom mjestu

- a) Nakon dolaska na biračko mjesto posmatrač mora predsjedniku biračkog odbora pokazati lični identifikacioni dokument. Predsjednik biračkog odbora provjerit će posmatračev identifikacioni dokument s fotografijom kako bi utvrdio da se ime posmatrača nalazi na akreditaciji.
- b) Predsjednik biračkog odbora zapisat će ime posmatrača, naziv subjekta koji ga je akreditirao i njegov broj akreditacije u Zapisnik o radu biračkog odbora, bilježeći vrijeme kada je posmatrač stigao i vrijeme kada je posmatrač napustio biračko mjesto kako bi se broj posmatrača ograničio na jednog posmatrača jednog političkog subjekta u isto vrijeme na jednom biračkom mjestu. Predsjednik biračkog odbora zadržat će identifikacioni dokument do trenutka kada posmatrač napušta biračko mjesto. Prilikom boravka na biračkom mjestu posmatrač je obavezan nositi akreditaciju.

### 1.3. Podnošenje primjedbi posmatrača na rad biračkog odbora

Ako primijeti nepravilnosti u radu biračkog odbora posmatrač ima pravo u Zapisnik o radu biračkog odbora, u za to predviđeno mjesto, unijeti svoje mišljenje ili primjedbe na proces glasanja koje potpisuje lično (mišljenje ili primjedba koja nije potpisana lično neće biti razmatrana). Posmatrač može stavljati obrazložene primjedbe na rad biračkih odbora u pisanoj formi koje se prilažu uz Zapisnik, o čemu predsjednik biračkog odbora izdaje potvrdu o predaji primjedbi, a o čemu može obavijestiti i Centralnu izbornu komisiju BiH (ovaj slučaj predsjednik je dužan posebno evidentirati u Zapisnik). Posmatrač ima pravo tražiti kopiju Zapisnika o radu biračkog odbora.

## 1.4. Udaljavanje posmatrača s biračkog mjesta

Ako posmatrač tokom posmatranja ometa izborni proces, predsjednik biračkog odbora u postupku udaljavanja posmatrača s biračkog mjesta treba prethodno opomenuti posmatrača koji ometa izborni proces i preduzeti sve druge raspoložive mjere i radnje da ometanje prestane, a ako isti nastavi s ometanjem, birački odbor može odlučiti da posmatrača udalji ga s biračkog mjesta, o čemu predsjednik obavezno obavještava Centralnu izbornu komisiju BiH.

## 1.5. Izgled akreditacija akreditiranih posmatrača

<p>BOSNA I HERCEGOVINA CENTRALNA IZBORNA KOMISIJA SREDIŠNJE IZBORNO POVJERENSTVO</p> <p>БОСНА И ХЕРЦЕГОВИНА ЦЕНТРАЛНА ИЗБОРНА КОМИСИЈА</p> <p>PS- _____</p> <p>Ime: _____</p> <p>Prezime: _____</p> <p>Pravo posmatranja prema odluci CIK BiH br. _____</p> <p>Datum: _____</p> <p>Ovjerava: _____ MP</p>	<p>Posmatrač, u toku posmatranja izbornog procesa, neće ometati izborne aktivnosti i poštivat će tajnost glasanja. Za vrijeme posmatranja izbornih aktivnosti, posmatrač će nositi službenu akreditaciju i neće nositi bilo kakva obilježja ili oznake koje ga povezuju s određenom političkom strankom, koalicijom, listom nezavisnih kandidata, nezavisnim kandidatom i kandidatom sa posebne liste kandidata pripadnika nacionalnih manjina.</p>
---	---

- Izgled lica i naličja akreditacije za posmatrače koji su predstavnici političkih subjekata (**bijela**). Akreditacije ovjerava i izdaje Centralna izborna komisija BiH na osnovu liste političkih subjekata koju je odobrila.

<p>BOSNA I HERCEGOVINA CENTRALNA IZBORNA KOMISIJA SREDIŠNJE IZBORNO POVJERENSTVO</p> <p>БОСНА И ХЕРЦЕГОВИНА ЦЕНТРАЛНА ИЗБОРНА КОМИСИЈА</p> <p>PU- _____</p> <p>Ime: _____</p> <p>Prezime: _____</p> <p>Pravo posmatranja prema odluci CIK BiH br. _____</p> <p>Datum: _____</p> <p>Ovjerava: _____ MP</p>	<p>Posmatrač, u toku posmatranja izbornog procesa, neće ometati izborne aktivnosti i poštivat će tajnost glasanja. Za vrijeme posmatranja izbornih aktivnosti, posmatrač će nositi službenu akreditaciju i neće nositi bilo kakva obilježja ili oznake koje ga povezuju s određenom političkom strankom, koalicijom, listom nezavisnih kandidata, nezavisnim kandidatom i kandidatom sa posebne liste kandidata pripadnika nacionalnih manjina.</p>
---	---

- Izgled lica i naličja akreditacije za posmatrače koji su predstavnici udruženja (**siva**). Akreditacije ovjerava i izdaje Centralna izborna komisija BiH na osnovu liste udruženja, koju je odobrila.

<p>BOSNA I HERCEGOVINA CENTRALNA IZBORNA KOMISIJA SREDIŠNJE IZBORNO POVJERENSTVO</p> <p>БОСНА И ХЕРЦЕГОВИНА ЦЕНТРАЛНА ИЗБОРНА КОМИСИЈА</p> <p>MP- _____</p> <p>Name: _____</p> <p>Surname: _____</p> <p>Right to observe as per BiH CEC Decision</p> <p>No : _____</p> <p>Date: _____</p> <p>Approved by: _____ Stamp</p>	<p>While observing the electoral process, the observer shall not disturb the electoral activities and he/she shall respect the secrecy of voting. While observing electoral activities, an observer shall wear the official accreditation card and shall not wear any insignia or markings which affiliate him/her with a specific political party, coalition, list of independent candidates, an independent candidate, and a candidate from a separate list of candidates representatives of national minorities.</p>
---	---

- Izgled lica i naličja akreditacije za međunarodne posmatrače (**roza**). Akreditacije ovjerava i izdaje Centralna izborna komisija BiH.



## POGLAVLJE IV. NAČIN GLASANJA

### 1. DAN PRIJE ODRŽAVANJA IZBORA

- Centralna izborna komisija BiH će najkasnije sedam dana prije otvaranja biračkih mjesta dostaviti Ministarstvu vanjskih poslova BiH izborni materijal, i to:
  - izvod iz Centralnog biračkog spiska za određeno biračko mjesto u DKP-ima BiH;
  - odgovarajući broj setova glasačkih listića;
  - odgovarajući broj glasačkih kutija;
  - set obrazaca za biračko mjesto;
  - plakate s uputstvima o načinu glasanja i informativnim sadržajem za birače;
  - Zapisnik o radu biračkog odbora – ZARBO;
  - potrošni materijal prema specifikaciji iz Zapisnika o radu biračkog odbora, neophodan za proces glasanja i brojanja glasačkih listića.
- Ministarstvo vanjskih poslova BiH će tri dana prije, a najkasnije 12 sati prije otvaranja biračkih mjesta u DKP-ima BiH dostaviti biračkom odboru odgovarajućeg DKP-a BiH navedeni izborni materijal.
- Birački odbor provjerava da li je izborni materijal koji je primio od Ministarstva vanjskih poslova BiH kompletan i u ispravnom stanju, što upisuje u Obrazac Z1 Zapisnika. Ukoliko birački odbor utvrdi da izborni materijal nije kompletan, odmah o tome obavještava Ministarstvo vanjskih poslova BiH koje će u kontaktu s Centralnom izbornom komisijom BiH otkloniti sve nedostatke u najkraćem roku.
- Nakon primljenog izbornog materijala predsjednik i članovi biračkog odbora provjeravaju prostor koji je predviđen za biračko mjesto i otklanjaju eventualne nedostatke koji utiču na zakonitost rada biračkog odbora. Zapažanje o stanju biračkog mjesta upisuje se u Obrazac Z2 Zapisnika. Predsjednik i članovi biračkog odbora odgovorni su za sigurnost biračkog materijala na biračkom mjestu od trenutka prijema materijala pa do završetka svih svojih dužnosti nakon zatvaranja biračkog mjesta, završetka procesa brojanja i predavanja glasačkog materijala.
- Birački odbor uklanja s biračkog mjesta sve oznake i obilježja koja upućuju na političke subjekte, vjerske simbole, kao i ostale oznake koje mogu imati diskriminacijsko značenje. Birački odbor postavlja oznaku biračkog mjesta, ulaza i izlaza, smjera lokacije biračkog mjesta, zabrane unošenja oružja, zabrane pušenja i izlaže kandidatske liste.
- Predsjednik i članovi biračkog odbora uređuju biračko mjesto tako da se omogući nesmetan protok birača na biračkom mjestu.
- Predsjednik biračkog odbora dužan je prilikom otvaranja biračkog mjesta, a u skladu s propisom Centralne izborne komisije BiH, odrediti dužnosti svakom članu biračkog odbora, odnosno odrediti koji će član biračkog odbora biti zadužen za kontrolu reda, identifikaciju, izdavanje koverata s glasačkim listićima i kontroliranje kutije te ih evidentirati u dijelu Zapisnika o radu biračkog odbora predviđenom za unošenje navedenih podataka.

## 2. PRRIJE OTVARANJA BIRAČKOG MJESTA

- Svi članovi biračkog odbora moraju doći na biračko mjesto najmanje sat vremena prije početka glasanja. U tom vremenu samo članovi biračkog odbora i posmatrači mogu biti prisutni na biračkom mjestu.
- Birački odbor određuje mjesto za svaku glasačku kabinu, vodeći računa da niko unutar ili van biračkog mjesta ne može vidjeti birača dok glasa. Otvor glasačke kabine treba biti okrenut prema zidu. Izuzetno, ako nije moguće glasačku kabinu postaviti pokraj zida, može se postaviti pokraj prozora tako da se prozor pokrije i onemogućiti se pogled izvana u glasačku kabinu.
- Prije početka glasanja predsjednik, odnosno članovi biračkog odbora:
  - a) upisuju svoja imena u Zapisnik i potpisuju se u dijelu Zapisnika koji je za to predviđen;
  - b) predsjednik upisuje u Obrazac za brojno stanje broj birača koji su upisani u izvod iz Centralnog biračkog spiska;
  - c) ručno broje primljene koverte s glasačkim listićima za svaku osnovnu izbornu jedinicu i u Obrazac za brojno stanje upisuju ukupan broj primljenih koverata s glasačkim listićima;
  - d) pokazuju praznu glasačku kutiju, nakon čega na nju stavljaju plastične pečate;
  - e) predsjednik u Obrazac za brojno stanje upisuje serijske brojeve pečata glasačke kutije;
  - f) postavljaju zapečaćenu glasačku kutiju na mjesto gdje je svi prisutni mogu vidjeti;
  - g) predsjednik upisuje u Obrazac Z5 Zapisnika vrijeme otvaranja biračkog mjesta;
  - h) predsjednik provjerava posmatračev identifikacioni dokument s fotografijom, koji zadržava do trenutka kada posmatrač napušta biračko mjesto, utvrđuje nalazi li se ime posmatrača na akreditaciji i u Zapisnik upisuje ime posmatrača, naziv subjekta koji ga je akreditirao, broj njegove akreditacije, vrijeme kada je posmatrač stigao i vrijeme kada je posmatrač napustio biračko mjesto;
  - i) predsjednik upućuje posmatrače na mjesto gdje mogu sjesti i posmatrati izborne aktivnosti te ih upozorava da se ne mogu miješati u izborni proces niti gledati u glasačku kabinu, ali da mogu postavljati pitanja u vezi sa izbornim procesom.

## 3. PROCEDURA GLASANJA

- Biračka mjesta počinju raditi u 07.00 sati, a zatvaraju se u 19.00 sati.

▪ **Predsjednik i članovi biračkog odbora, ako im se imena nalaze na izvodu iz Centralnog biračkog spiska za to biračko mjesto, glasaju prije nego što prvi birač dođe na biračko mjesto.**

- Ako biračko mjesto iz opravdanih razloga nije otvoreno na vrijeme, a kašnjenje je trajalo do tri sata, glasanje na tom biračkom mjestu može se produžiti za onoliko vremena koliko je trajalo kašnjenje, o čemu odlučuje predsjednik. Ako je kašnjenje trajalo duže od tri sata, o dužini vremena za koje se glasanje produžava odlučuje Centralna izborna komisija BiH.
- Predsjednik u najkraćem roku obavještava Centralnu izbornu komisiju BiH o razlogu zbog kojeg je došlo do kašnjenja u otvaranju biračkog mjesta ili do prekida glasanja na biračkom mjestu.

### 3.1. Tajnost glasanja

- Ispunjavanje glasačkog listića na biračkom mjestu je tajno, glasanje je lično.

- U glasačkoj kabini se istovremeno smije nalaziti samo jedna osoba osim ako se radi o biračima koji su slijepi, nepismeni ili fizički nesposobni. (Vidi: Pomoć druge osobe prilikom glasanja)
- Predsjednik i članovi biračkog odbora dužni su osigurati tajnost glasanja i onemogućiti da neka osoba glasa umjesto druge osobe pod njegovim imenom ili da ponovno glasa.
- Osoba koja zloupotrijebi biračko pravo ili učini izbornu prevaru, snosit će kaznenu odgovornost. (Vidi: POGLAVLJE VI. KAZNE NE ODREDBE)

- Nijedna osoba ne smije ometati birača koji ispunjava glasačke listiće niti smije tražiti od njega bilo kakve informacije o tome za koga želi glasati, za koga glasa ili za koga je glasao, niti smije sprečavati ili pokušati spriječiti nekoga u ostvarivanju njegovog biračkog prava.

### **3.2. Važeći dokument za identifikaciju**

- Za utvrđivanje identiteta birača služi jedan od sljedećih važećih dokumenata s fotografijom:
  - a) **pasoš;**
  - b) **vozačka dozvola;**
  - c) **važeća lična isprava izdata od zemlje domaćina i**
  - d) **izbjeglički karton izdat od vlade zemlje domaćina ili druge međunarodne organizacije.**

### **3.3. Identificiranje birača i izdavanje glasačkog listića**

- Prilikom ulaska na biračko mjesto radi glasanja svaki birač mora predložiti jedan od važećih ličnih dokumenata. Nakon što birač dokaže svoj identitet članu biračkog odbora i njegovo ime bude pronađeno u izvodu iz Centralnog biračkog spiska, birač se potpisuje identično kao na identifikacionom dokumentu pored svog imena u izvodu iz Centralnog biračkog spiska.
- Kada birač bude identificiran i potpiše se u izvod iz Centralnog biračkog spiska, član biračkog odbora izdaje mu odgovarajuću kovertu s glasačkim listićima i odmah ga upućuje prema jednoj od slobodnih glasačkih kabina kako bi popunio glasačke listiće. Nakon popunjavanja glasačkih listića birač ih vraća u kovertu tako da se zaštiti tajnost glasa i ubacuje ih u glasačku kutiju.
- Ako se ime birača ne nalazi na izvodu iz Centralnog biračkog spiska za to biračko mjesto, predsjednik biračkog odbora u saradnji s Centralnom izbornom komisijom BiH provjerava na koji je izvod iz Centralnog biračkog spiska birač upisan i o tome obavještava birača.

### **3.4. Oštećeni glasački listić**

- Pod oštećenim glasačkim listićem podrazumijeva se fizički oštećen ili pogrešno popunjen glasački listić. U slučaju da birač ošteti svoj glasački listić, vraća kovertu s glasačkim listićima, a član biračkog odbora izdaje mu novu kovertu s glasačkim listićima. Član biračkog odbora zadužen za izdavanje glasačkih listića upisuje riječ "oštećen" na vraćenu kovertu s glasačkim listićima i ulaže je u, za to predviđenu, kovertu za pakiranje.

### 3.5. Pomoć druge osobe

Kad je birač slijep, nepismen ili fizički nesposoban, predsjednik odobrava da mu drugo lice, koje izabere birač, pomogne glasati. To lice ne smije biti član biračkog odbora niti akreditirani posmatrač. U postupku pomoći drugog lica član biračkog odbora u dio predviđen za potpis upisuje "XX", broj identifikacionog dokumenta birača koji glasa i lica koji mu pomaže, pored njegovog potpisa. Jedno lice može pomagati samo jednom biraču.

### 3.6. Ometanje procesa glasanja i udaljavanje s biračkog mjesta

- Predsjednik biračkog odbora može s biračkog mjesta i iz njegove okoline udaljiti svaku osobu koja narušava red. Svako udaljavanje s biračkog mjesta treba zabilježiti u Obrazac Z7 Zapisnika.
- Ako na biračkom mjestu postoji opasnost za red i mir, ako dođe do nasilja ili se otkrije oružje ili opasni predmeti, predsjednik biračkog odbora će u skladu sa svojom dužnošću i odgovornošću:
  - preduzeti aktivnosti da se otkloni opasnost, nasilje, oružje ili opasni predmeti s biračkog mjesta;
  - ako se opasnost, nasilje, oružje ili opasni predmeti ne mogu odmah otkloniti, prekinuti glasanje za onoliko vremena koliko je potrebno da se ponovno uspostavi red i mir na biračkom mjestu;
  - nakon prekida glasanja i ponovno uspostavljenog reda i mira predsjednik biračkog odbora će produžiti vrijeme glasanja za onoliko vremena koliko je prekid trajao.

### 3.7. Zatvaranje biračkog mjesta

- Biračima koji su u redu za glasanje u trenutku zatvaranja biračkog mjesta odobrava se glasanje. Procedura zatvaranja biračkog mjesta je:
  - predsjednik, 15 minuta prije zatvaranja biračkog mjesta, objavljuje svim prisutnim unutar i ispred biračkog mjesta vrijeme zatvaranja biračkog mjesta;
  - predsjednik određuje jednog člana biračkog odbora da u vrijeme zatvaranja biračko mjesto stane na kraj reda kako bi se osiguralo da se nijedna osoba ne priključi nakon zatvaranja biračkog mjesta;
  - član biračkog odbora zatvara vrata odmah nakon što posljednji birač iz reda glasa;
  - predsjednik u Zapisnik upisuje vrijeme zatvaranja biračkog mjesta;
  - predsjednik zatvara otvor glasačke kutije samoljepljivom trakom i potpisuje je.
- Prilikom zatvaranja biračkog mjesta predsjednik u Zapisnik evidentira prisutne akreditirane posmatrače.

▪ **Predsjednik biračkog odbora obavezan je da, prema utvrđenom rasporedu, Centralnoj izbornoj komisiji BiH dostavlja informacije i podatke o tome:**

- a) da li je biračko mjesto otvoreno na vrijeme;
- b) da li je nakon provedenog glasanja birača biračko mjesto zatvoreno na vrijeme;
- c) kolika je izlaznost birača na biračkom mjestu, najmanje dva puta tokom dana izbora, u skladu sa planom izvještavanja koji donosi Centralna izborna komisija BiH, kao i u dodatnim terminima ukoliko to Centralna izborna komisija BiH zatraži.



#### 4. NAKON ZATVARANJA BIRAČKOG MJESTA

- Nakon zatvaranja biračkog mjesta u prisutnosti akreditiranih posmatrača predsjednik i članovi biračkog odbora biračkog mjesta obavljaju sljedeće aktivnosti:
  - a) broje i upisuju ukupan broj preostalih neiskorištenih koverata s glasačkim listićima za svaku izbornu jedinicu u Obrazac za brojno stanje;
  - b) pakiraju neiskorištene kovertе s glasačkim listićima u originalnu kutiju;
  - c) broje i upisuju u Obrazac za brojno stanje ukupan broj potpisa glasača s izvoda iz Centralnog biračkog spiska;
  - d) broje i upisuju ukupan broj koverata s oštećenim glasačkim listićima za svaku osnovnu izbornu jedinicu i pakiraju ih u odgovarajuću kovertu;
  - e) nakon upisa prethodno utvrđenih podataka u Obrazac za brojno stanje otvaraju glasačku kutiju i stavljaju sadržaj na sto tako da to vide svi prisutni;
  - f) razvrstavaju kovertе s glasačkim listićima po osnovnim izbornim jedinicama za koje su birači glasali;
  - g) broje kovertе s glasačkim listićima, a dobijeni broj koverata po osnovnim izbornim jedinicama za koje su birači glasali predsjednik upisuje u Obrazac za brojno stanje;
  - h) upakovane snopove koverata po osnovnim izbornim jedinicama ubacuju u crvenu vreću;
  - i) popunjavaju testove tačnosti i potpisuju Obrazac za brojno stanje;
  - j) originalni Obrazac za brojno stanje, Zapisnik o radu biračkog odbora – ZARBO i upakirani izborni materijal birački odbori u DKP-ima BiH dostavljaju posredstvom Ministarstva vanjskih poslova BiH Centralnoj izbornoj komisiji BiH.

- **Kovertе s glasačkim listićima ne otvaraju se, odnosno glasački listići ne broje se na biračkom mjestu. Kovertе s glasačkim listićima otvaraju se odnosno glasački listići broje se u Glavnom centru za brojanje, posebnom metodologijom utvrđenom provedbenim aktima koje donosi Centralna izborna komisija BiH.**

#### 4.1. Način popunjavanja Obrasca za brojno stanje

Predsjednik biračkog odbora upisuje u Obrazac za brojno stanje sljedeće podatke:

- NAZIV DKP-a BiH
- OZNAKU BIRAČKOG MJESTA
- SERIJSKI BROJ PLASTIČNIH PEČATA ZA GLASAČKE KUTIJE
- ŠIFRU OPĆINE/IZBORNE JEDINICE ZA KOJU SE GLASA
- PRIJE OTVARANJA BIRAČKOG MJESTA – DIO PRVI
  - Upisuje broj birača koji su upisani u izvod iz Centralnog biračkog spiska za svaku izbornu jedinicu za koju se glasa – red 1.;
  - Upisuje broj primljenih koverata s glasačkim listićima za svaku izbornu jedinicu za koju se glasa. Članovi biračkog odbora ručno broje koverte s glasačkim listićima – red 3.;
- TOKOM GLASANJA – DIO DRUGI
  - Ukoliko se ukaže potreba, predsjednik biračkog odbora može iz rezerve preuzeti dodatni broj koverata s glasačkim listićima za bilo koju izbornu jedinicu za koju se glasa. Broj naknadno primljenih koverata s glasačkim listićima i broj ukupno primljenih koverata s glasačkim listićima upisuje se po izbornim jedinicama za koje se glasa – red 4. i 5.;
- NAKON ZATVARANJA BIRAČKOG MJESTA – DIO TREĆI
  - Upisuje broj potpisa glasača sa izvoda iz Centralnog biračkog spiska za svaku izbornu jedinicu za koju se glasalo – red 6.;
  - Upisuje broj oštećenih (upropaštenih) koverata s glasačkim listićima za svaku izbornu jedinicu za koju se glasalo – red 8.;
  - Upisuje broj izdatih koverata s glasačkim listićima za svaku izbornu jedinicu za koju se glasalo – red 9.;
  - Upisuje broj preostalih neiskorištenih koverata s glasačkim listićima za svaku izbornu jedinicu za koju se glasalo – red 10.;
  - Upisuje ukupan broj zaduženih koverata s glasačkim listićima za svaku izbornu jedinicu za koju se glasalo, odnosno zbir reda 9 i 10 – red 11.;
- NAKON OTVARANJA GLASAČKE KUTIJE – DIO ČETVRTI
  - Upisuje broj koverata s glasačkim listićima za svaku izbornu jedinicu za koju se glasalo – red 12.;
- TEST TAČNOSTI – DIO PETI
  - Upisuje test tačnosti kako je navedeno u Obrascu – red 13.
  - Upisuje test tačnosti kako je navedeno u Obrascu – red 14.
- Predsjednik i članovi biračkog odbora potpisuju Obrazac za brojno stanje.

#### PRIMJER PRAVILNO POPUNJENOG OBRASCA ZA BROJNO STANJE NA BIRAČKOM MJESTU ZA GLASANJE U DKP – BSO

OBRAZAC ZA BROJNO STANJE (Biračko mjesto za glasanje/glasovanje u odsustvu/odsutnosti)	Naziv općine: <i>AUSTRIA</i>	Broj biračkog mjesta: <i>A01</i>	BSO
---	---------------------------------	-------------------------------------	-----




Šifra općine/izborne jedinice za koju se glasa/glasuje	050	133	135	200									
<b>I: PRIJE OTVARANJA BIRAČKOG MJESTA</b>													
1. Broj imena birača na izvodu iz Centralnog/Središnjeg biračkog spiska/popisa (ručno brojati)	17	35	10	2									
2. Broj primljenih koverata sa glasačkim listićima	20	40	15	5									
<b>II: NAKON ZATVARANJA BIRAČKOG MJESTA</b>													
3. Broj potpisa na izvodu iz Centralnog/Središnjeg biračkog spiska/popisa (ručno brojati)	13	31	6	0									
4. Broj oštećenih koverata sa glasačkim listićima (paket Za)	0	0	0	0									
5. Broj izdatih koverata sa glasačkim listićima (red/redak 6+7+8)	13	31	6	0									
6. Broj neiskorištenih koverata sa glasačkim listićima (ručno brojati)	7	9	9	5									
7. Broj zaduženih koverata sa glasačkim listićima (red/redak 9+10)	20	40	15	5									
<b>III: NAKON OTVARANJA GLASAČKE KUTIJE</b>													
8. Broj koverata sa glasačkim listićima za glasanje/glasovanje u odsustvu/odsutnosti	13	31	6	0									
<b>IV: Test tačnosti/točnosti</b>													
9. Red/redak 7. =Red/redak 2.; ako nisu isti, upisati razliku	0	0	0	0									

Serijski broj plastičnog pečata za vreću za neiskorištenim gl. listićima (poslovna voda)
BA 0 0 7 0 2 6

Serijski broj plastičnog pečata za vreću sa koveratima sa gl. listićima (POSLOVNA)
BA 0 9 1 0 0 3

Serijski broj plastičnog pečata za vreću sa dokumentacijom za Centralno/Središnju izbornu komisiju/biračkom mjestu
BA 6 3 0 0 8 8

Potpisujući se ispod, izjavljujem da ovi brojevi tačno/točno odražavaju izborne aktivnosti na ovom biračkom mjestu.

PREDSJEDNIK	IME (ŠTAMPANIM/TISKANIM SLOVIMA) VELJKO PETROVIĆ	POTPIS 	ČLAN 3	IME (ŠTAMPANIM/TISKANIM SLOVIMA)	POTPIS
ČLAN 1	MUSTAFA LUKONJIĆ		ČLAN 4		
ČLAN 2	MLADEN VIČEVIĆ				

## **POGLAVLJE V. NAKNADA ZA RAD U BIRAČKOM ODBORU**

### **1. NAKNADA ZA RAD U BIRAČKOM ODBORU**

- Predsjednik i članovi biračkih odbora i njihovi zamjenici, ukoliko su učestvovali u radu biračkog odbora, imaju pravo na naknadu za svoj rad.
- Odluku o visini naknade za rad biračkih odbora u DKP-ima BiH donosi Centralna izborna komisija BiH.

## **POGLAVLJE VI. KAZNENE ODREDBE**

### **1. SANKCIJE IZ IZBORNOG ZAKONA BiH (POGLAVLJE 19A)**

**1.1.** Zabranom angažiranja za rad na biračkom mjestu u Centru za birački spisak u općinskoj izbornoj komisiji ili drugoj izbornoj komisiji uspostavljenoj u skladu s članom 2.21 Izbornog zakona BiH, odnosno novčanom kaznom u iznosu od 200,00 KM do 1.000,00 KM kaznit će se predsjednik ili član biračkog odbora ako:

- učestvuje u donošenju odluke koja može dovesti u sumnju njegovu sposobnost da djeluje nepristrasno (član 2.1 Izbornog zakona BiH);
- ne obavijesti birače o svim informacijama neophodnim za provođenje izbora, u skladu s propisima Centralne izborne komisije BiH (član 2.13 stav (1) tačka 5);
- nepravilno broji glasačke listiće na biračkim mjestima i u općinskim centrima za brojanje (član 2.13 stav (1) tačka 7);
- ne odredi dužnosti članovima biračkog odbora (član 5.6 stav (2));
- Zapisnik o radu biračkog odbora ne sadrži podatke propisane Izbornim zakonom BiH (član 5.7);
- ne objasni biraču način glasanja i ne osigura tajnost glasanja (član 5.11 stav (1));
- izda glasački listić ili listiće suprotno propisima koji reguliraju izdavanje glasačkih listića (član 5.13);
- ne utvrdi identitet birača i potpis birača na izvodu iz Centralnog biračkog spiska u skladu s Izbornim zakonom BiH (član 5.13);
- pomaže licu pri glasanju na način koji nije u skladu s Izbornim zakonom BiH (član 5.19 stav (2));
- su obrasci popunjeni suprotno članu 5.25 Izbornog zakona BiH.

---

## **2. ZLOUPOTREBA BIRAČKOG PRAVA I IZBORNA PREVARA – KRIVIČNI ZAKON BOSNE I HERCEGOVINE**

### **Uskraćivanje biračkog prava**

#### **Član 150.**

Ko u obavljanju povjerene mu dužnosti u vezi s izborima za institucije Bosne i Hercegovine drugoga, u namjeri da ga spriječi u ostvarenju njegovog biračkog prava, protuzakonito ne uvede u birački spisak ili ga izbriše iz biračkog spiska ili mu na drugi način uskrati biračko pravo, kaznit će se novčanom kaznom ili kaznom zatvora do tri godine.

### **Povreda slobode opredjeljenja birača**

#### **Član 151.**

(1) Ko silom, ozbiljnom prijetnjom, prinudom, podmićivanjem ili korištenjem njegovog teškog ekonomskog stanja ili na drugi protupravan način utiče na birača u Bosni i Hercegovini da na izborima za institucije Bosne i Hercegovine ili prilikom glasanja o opozivu ili na referendumu, glasa

za ili protiv pojedine liste, pojedinog kandidata, odnosno da glasa za ili protiv opoziva, za ili protiv prijedloga o kome se odlučuje referendumom, ili da uopće ne glasa, kaznit će se novčanom kaznom ili kaznom zatvora do tri godine.

(2) Član biračkog odbora ili druga osoba koja učini krivično djelo iz stava (1) ovog člana u vršenju povjerene joj dužnosti u vezi s izborima, glasanjem ili referendumom, kaznit će se kaznom zatvora od šest mjeseci do pet godina.

### **Prevara pri glasanju**

#### **Član 152.**

Ko na izborima za institucije Bosne i Hercegovine ili pri glasanju o opozivu predstavnika u institucijama Bosne i Hercegovine ili na referendumu u Bosni i Hercegovini ponovo glasa, glasa umjesto drugog pod njegovim imenom, kaznit će se kaznom zatvora od tri mjeseca do pet godina.

### **Povreda tajnosti glasanja**

#### **Član 153.**

(1) Ko pri izboru za institucije Bosne i Hercegovine ili pri glasanju o opozivu predstavnika u institucijama Bosne i Hercegovine ili na referendumu u Bosni i Hercegovini povrijedi tajnost glasanja, kaznit će se novčanom kaznom ili kaznom zatvora do šest mjeseci.

(2) Ko silom, ozbiljnom prijetnjom ili na drugi protupravan način traži od građanina da kaže za koga je glasao ili kako je glasao ili da li je glasao za ili protiv opoziva, kaznit će se novčanom kaznom ili kaznom zatvora do jedne godine.

(3) Član biračkog odbora ili druga osoba koja učini krivično djelo iz stava (1) ovog člana u vršenju povjerene joj dužnosti u vezi s izborima ili glasanjem, kaznit će se novčanom kaznom ili kaznom zatvora do tri godine.

### **Izborna prevara**

#### **Član 154.**

Ko krivotvori rezultate izbora ili glasanja za institucije Bosne i Hercegovine dodavanjem, oduzimanjem ili brisanjem glasova ili potpisa, netačnim brojanjem glasova, neistinitim upisivanjem rezultata u izborne isprave ili na drugi način, ili objavi kao konačan rezultat izbora ili glasanja koji ne odgovara obavljenom glasanju, kaznit će se kaznom zatvora od šest mjeseci do pet godina.

### **Uništenje izbornih isprava**

#### **Član 155.**

Ko na izborima za institucije Bosne i Hercegovine, pri glasanju o opozivu predstavnika u institucijama Bosne i Hercegovine ili na referendumu u Bosni i Hercegovini, uništi, prikrije, ošteti ili oduzme kakvu ispravu o izborima ili o glasanju o opozivu ili kakav predmet koji služi za izbor ili za glasanje o opozivu, kaznit će se kaznom zatvora od šest mjeseci do pet godina.

### **Literatura**

- Izborni zakon Bosne i Hercegovine („Službeni glasnik BiH”, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14)
- Pravilnik o načinu provedbe izbora („Službeni glasnik BiH“, br. 37/14)
- Uputstvo o vrstama, načinu i rokovima za određivanje biračkih mjesta („Službeni glasnik BiH“, br. 37/14)
- Uputstvo o uslovima i procedurama za akreditiranje izbornih posmatrača u Bosni i Hercegovini („Službeni glasnik BiH“, br. 37/14)
- Uputstvo o utvrđivanju kvalifikacija i postupku imenovanja članova biračkih odbora („Službeni glasnik BiH“, br. 37/14)
- Krivični zakon BiH („Službeni glasnik BiH“, broj: 3/03, 32/03, 37/03, 54/04, 61/04, 30/05, 53/06, 55/06, 32/07, 8/10 i 47/14)



## SHEMA PAKIRANJA IZBORNOG MATERIJALA NA BIRAČKOM MJESTU U DKP-u

### Crvena zaštitna vreća



1. Prebrojane kovertе sa setovima glasačkih listićа uvezane po izbornim jedinicama
2. Obrazac brojnog stanja (plava kopija)

### Providna zaštitna vreća (veća)



1. Neiskorištene kovertе sa setovima glasačkih listićа upakovane u originalne kutije
2. Oštećene kovertе sa setovima glasačkih listićа

### Providna zaštitna vreća (manja)



1. Obrazac brojnog stanja (original u koricama)
2. Zapisnik o radu biračkog odbora (original ukoricama)
3. Izvod iz Centralnog biračkog spiska



### Kovertа za Predsjednika biračkog odbora:

1. Obrazac brojnog stanja (crvena kopija)

### NAPOMENA:

na svaku vreću potrebno je  
upisati broj biračkog mjesta !

## IZGLED LICA KOVERTE SA GLASAČKIM LISTIĆIMA (Primjer - K09)

### Гласање u odsustvu

Set glasačkih listićа za birače koji su upisani da glasaju za osnovne izborne jedinice

### Гласање у одсуству

Сет гласачких листића за бираче који су уписани да гласају за основне изборне јединице

### Гласовање u odsutnosti

Set glasačkih listićа za birače koji su upisani za glasovanje za osnovne izborne jedinice

## K09

206 408 514 701-702

BUGOJNO	109	БУГОЈНО
BUSOVAČA	113	БУСОВАЧА
DOBRETIĆI	067	ДОБРЕТИЋИ
DONJI VAKUF	089	ДОЊИ ВАКУФ
FOJNICA	114	ФОЈНИЦА
GORNJI VAKUF - USKOPLJE	110	ГОРЊИ ВАКУФ - УСКОПЉЕ
JAJCE	065	ЈАЈЦЕ
KISELJAK	115	КИСЕЉАК
KREŠEVO	129	КРЕШЕВО
NOVI TRAVNIK	111	НОВИ ТРАВНИК
TRAVNIK	091	ТРАВНИК
VITEZ	112	ВИТЕЗ

